

Innkuan pau le ham keppingna pen a nung cianga pau dang sinna ding bulpi piangsak hi. A thahat kampau zia te tawh muhna, zakna leh kizopna cih hamphatna te a neih ciangin na ta in pau tuam tuam ol tak-in sin thei hi.

Kum masa lamin Victoria-a mi siam te pen *Khancil Kum Sinna leh Khantohna A paipi (Victorian Early Years Learning and Development Framework)* (VEYLDF) in lamlak hi. Hih malakna a paipi in pau tuamtuam te pen manpha sa-in naupangte in amau innkuan pau[te] a kepping nading, maang pau (English) pen pau behlapna banga sin a, tua kawm in pau dangte zong Khancil Kum Pilsinna leh Donna (Early Years Education and Care) geelna-te a kaha kawmin sin dingin lam-etna kinei hi (VEYLDF, 2016).

Innkuan pau le ham[te] kepping na hangin na ta in phattuampihna a ngah tampi om hi:

- Na innkuan pau le ham zatna hangin na ta in khuak tawh kisai ciapteh theihna leh khantohna lam pung sak thei hi.
- Innkuan pau leh ham[te] kepping na pen innkuan ki-itna, kizopna leh innkuan lungsim neihna ading thupi hi.
- Innkuan pau le ham[te] pen na ta' hihna, ngeina leh nopsakna tawh kikhen theilo a kizom den a hi hi.
- Innkuan pau le ham[te] siamna in na ta pen Mang pau bangin pau dang te siam bai sak hi.

VEYLDF (2016) in mi pattah siam te tungah 'pianpih pau aihkeh innkuan pau leh ham zatna leh keppingna in hihna lamtohna ah a kilangh leh a kizom paisuak thupitna nei hi' ci-in telgen hi (pg. 18). Tua ahih manin, naupang in Maang pau pen pau dang a siam thua banga hoih taka a sin theihna dingin mi pattah a siam te leh innkuan te panlakkhawp na nakpi takin kisam hi.

## **kipan tuung Naupanlai Pil sinna Kikepna Kiim le paam (Early Childhood Education and Care Environments) ah Maang pau pen Behlap kampau in Sinsakna t**

Na ta in Victorian Early Childhood Education and Care environments pan Maang pau sin theihna ding hamphatna tampi nei ding hi. Kankhiatna (Research)

in 'naupang te'n pau thak a theih nadingin pau tawh kisukkhakna, kiciantak-a bawlina leh pau hihna, leh a kilawm zah hun tungtawnin Maang pau (aihkeh pau dang khat) pen behlap pau in siam taka sin thei uh hi ci-ina genhi' (VEYLDF, 2016, pg. 22).

Pau khat theihna in pau dangte paizia ding theisiam sak hi. Pau dang khat pana naupangte'n a ngah uh siamna pen pau dangah khat ah ki suan to thei hi. Naupangte in pau thak leh ama' thukhun-te leh kammal te a tel theihna pen innkuan pau leh ham pan ahihi. Na ta pen Maang pau zatna munah a kidiahna a tam leh, Mang pau zat dan tuam tuam sin theihna hun hau ding uh hi. Naupang dangte tawh kimawl leh kikholh ut ding uh a, na ta in Mang pau a zak nading leh a kisin nadingin mi pattah a siam te'n zia hoihte leh hun hoih tampi na pia ding uh hi.

Pau siamna pen pau tawh kisai naupang' phut khak sa-te, pau thak leh kiim leh pam thak tawh kisukkhakna tawh kituak mun ah hong khangto hi. Pau tampi a sin naupangte in tawl khat sung teng pau nam khat sang a tam zaw hong pau kha theihi. A tuungin bel naupangte in pau tuam tuam te hong helh kha thei ding uh hi. Pau nam khat tawh a kammal a theih uh hang, pau dang tawh theilo kha ding uh hi. Kihona nuam taka a neih suak theihna dingun amaute in a kammal theih te uh zang ding hi. Hih dan pen a ngeina mah hi in naupang in pau nam tuam tuam a zak uh ciang a piang thei mah a hi hi.

## **Phawk in...**

Naupang in pau thak a sin uh ciang siam taka pau thei dingin hun tawlkhat sung bang kisam uh a, tua hun sungin picing lam te'n zawng haksana lam bawlo a panpih theih ding thupi hi.

Amaute' innkuan pau leh han zat leh sin ding pen naupang khempeuh i neih hamphatna (right) ahi hi (UNCRC, 1989).

### **Etkakte**

Department of Education and Training, 2016. *Victorian Early Years Learning and Development Framework*.

UNICEF, 1989. *United Nations Convention on the Rights of the Child* (UNCRC).